

ՄՇԱԿ

Հարկերն զինք 10 րուբլ, կէս տարփանք 6 րուբլ:
Առանձին համարները 5 կոպէկով:
Թիֆլիսում գրգում են միմիայն անդադրատուն մէջ:
Ստորագրողները պիտի մնան ուղղակի
Тифлис. Редакция «Мшак»

Խմբագրատունը թաց է ստուգանք 10—2 մամ
(բացի կիրակի և տոն օրերէն):
Հաշտարարութիւնը ընդունելու է ամեն լիզուով:
Առաջարկութիւնները համար. գնորդում են
Խմբագրատնիքը թուին 2 կոպէկ:

ՔԱՂԱՔԱԿԱՆ ԵՒ ԳՐԱԿԱՆԱԿԱՆ

„ՄՇԱԿ“

ԱՄԵՆՈՐԵԱՅ ԼՐԱԳԻՐԸ

ԵԿՈՂ 1882 ԹԻՒՆ

(ՏԱՍՆԵՐՈՐԿ ՄԷԿԵՐՈՐԿ ՏԱՐԻ)

Կը հրատարակէի նոյն դիրքով և նոյն պրոգրամայով:
ՊՐՈԳՐԱՄԱՆ. I. Տէրութեան կարգադրութիւններ, II. Առաջնորդող յօդուածներ, III. Ներ-
քին տեսութիւն, IV. Արտաքին տեսութիւն, V. Խառն լուրեր, VI. Հեռագիրներ, VII. Ֆելիետոն
կամ Բանասիրական, VIII. Յայտարարութիւններ:
ԼՐԱԳՐԻ ՏԱՐԵԿԱՆ ԲԱԺԱՆՈՐԿԱՒԻՆԸ, 10 րուբլ է, կէս տարփանք 6 ր., իւրաքանչիւ
ամսին 1 րուբլ: Հատով համարները 5 կոպէկ:
Գրքի կարելի է խմբագրութեան մէջ հետեւել հասցեով. Тифлис, редакция «Мшак».
Խմբագիր-հրատարակող ԳՐԻԳՈՐ ԱՐԵՐՈՒՆԻ

ԲՈՎԱՆԴԱԿՈՒԹԻՒՆ

ՆԵՐՔԻՆ ՏԵՍՈՒԹԻՒՆ. Նամակ խմբագրին:
Ներքին լուրեր.—ԱՐՏԱՔԻՆ ՏԵՍՈՒԹԻՒՆ. Երեք
կայսերութիւնների քաղաքականութիւնը. Գեր-
մանիա. Ֆրանսիա. Նամակ Թիւրքիայից. Ար-
տաքին լուրեր.—Հեռագիրներ.—ՅԱՅՏԱՐԱՐՈՒ-
ԹԻՒՆՆԵՐ:

ՆԵՐՔԻՆ ՏԵՍՈՒԹԻՒՆ

ՆԱՄԱԿ ԽՄԲԱԳՐԻՆ

Թիֆլիս, 17 նոյեմբերի

Փոքր ինչ ժամանակ սրանից առաջ ինձ պա-
տահեց Գանձակ գտնվել և մի քանի անձանց
հետ խօսել Փարիզի Հայկազեան-Ուսումնասիր-
րաց ընկերութեան մասին: Այդ պարոններից ու-
մանք մեծ համարումեք ցոյց տուին վերոյիշեալ
ընկերութեան նպատակին և բաղձանք յայտնե-
ցին մասնակցել նրան. ուստի պարտք եմ հա-
մարում պատուական թիւթիղ միջոցաւ յայտնել
թէ այդ պարոնների ազգանունները և թէ նրանց
տուած գումարը ի գիտութիւն մերայնոց: Նրանք
են. պ. Ներսէս Տէր-Ներսէսեան չորս տարփայ
վճարք 30 ր., պ. Ալեքսանդր Խաչատրեան մի
տարփայ վճարք 7 ր. 50 կ., պ. Մարտիրոս Նա-
բեքեան մի տարփայ վճարք 7 ր. 50 ր., և պ.
Նիկողայոս Մէլիքեան միանուագ նուէր 10 ր.:
Ընդամենը ստացած եմ 55 ր., որը և անմի-
ջապէս յանձնեմ եմ պ. Եփրէմ Մատթարեանին,
որը Փարիզի ընկերութեան գործակատար է Թիֆ-
լիսում:

Յուսաւով, որ չէք մերժի խնամք խնդիրքս
տեղի տալ ազգագրու «Մշակի» մէջ այս երկ-
տողին՝ նախապէս կը մատուցանեմ ձեզ, պ.
խմբագիր, իմ խորին շնորհակալութիւնը:

Բժ. Կ. Մէլիք-Բէգլարեան

ՆԵՐՔԻՆ ԼՈՒՐԵՐ

«ՀԱՅԱՅԷ» լրագիրը հաղորդում է հետեւեալը:
Միջազգային հեռագրական ընկերութեանց ստաց-
ված և մեր լրագրի մէջ տպւած հեռագրի առի-
թով, մեզ հաստատ աղբիւրներից յայտնի է, որ,
աչքի առաջ ունենալով իսթումի նահանգի
հարեան թիւրքաց քանադանքում ժամատարի
նշաններ ունեցող մի ինչ որ հիւանդութեան
մասին տարածված անհանգստացող լուրերը, Բա-
թումի նահանգի գլխաւորը միջոցներ է գործ
դրել, նահանգի ցամաքային սահմանի վրա ամեն
տեսակ հաղորդակցութիւնը փակելով, և մի և
նոյն ժամանակ քրանդ-վախտի իրաւունքներով
մէկ չկանային հրամայված է Թիւրքիայից դէպի

մեր ափերը եկող նաւերի մանրամասն խուզար-
կութիւն անել: Ինչպէս հաղորդում է Տրապի-
զոնի ռուսաց հիւպատոսը մարտի 14-ից, Տրա-
պիզոնի գլխաւոր նահանգապետը (վալի) հաստա-
տում է, որ Լազիստանում տարածված հիւան-
դութիւնը չափազանցաբար է և բոլորովին փո-
խադրական չէ, իսկ Էրզրումի ռուսաց հիւպա-
տոսը նոյեմբերի 15-ից հեռագրում է, որ Էրզ-
րումի բոլոր բժշկական շրջաններում հասարա-
կական առողջութիւնը կատարելապէս բաւական
նազուցել է, և որ տեղական վալին Միջազգային
ընկերութեան վերոյիշեալ հեռագրի առիթով հե-
ռագրական կարգադրութիւն արաւ ստուգելու
Միջազգային ընկերութեան այդ տեղեկութիւնը,
որի մասին անյապաղ կը հաղորդվի կովկասեան
քարէր կառավարութեանը: Վերջինս, բացի դը-
րանից, արդէն յարաբերութիւններ է սկսել Կ.
Պոլսի մեր դեսպանի, Նովիկովի հետ, Թիւրքիա-
յի մեր հարեան նահանգների մէջ տարածված
հիւանդութեան բնաւորութիւնը վերջնականա-
պէս պարզելու համար:

«Մշակի» ներկայ համարում տպւած ենք բժիշկ
Մէլիք-Բէգլարեանիցի նամակը Փարիզի Հայկա-
զեան ընկերութեան համար հաւաքած փողերի
մասին: Այդ նամակը տպւելով մենք քաջառու-
թիւն ենք անում մեր քարեկամ բժիշկ Մէլիք-
Բէգլարեանիցի համար, եթէ ոչ մենք երբեք չենք
տպւում այն ցուցակները նուիրատու անձանց, ու-
րոնք մեր խմբագրութեանը չեն յանձնում փո-
ղերը, որովհետեւ այսպիսով մեր լրագրի էջերի
մէջ նուիրատուների ցուցակների պատճառով այլ
ևս տեղ չէր լինի ուրիշ որ և է յօդուածների
համար:

ՎԱԿԱՐԵԱՊԱՏԻՑ մեզ գրում են: «Նոր
ընտրված ասնուտէր պ. Գեղամանցը սկզբում
մեծ մեծ խոստումներով շլացրեց ժողովրդին,
մինչև իր տեղը ստացաւ, Նա խոստացաւ փո-
ղոցները մաքուր պահել, գիշերները լուսաւորել և
ուրիշ շատ բաներ: Լուսաւորութեան համար
լապտերներ տնկվեցան, բայց ոչ ոք ծրանց մէջ
լոյս չէ տեսել: Երեսու փողոցներում անկարելի
է ման գալ, մանաւանդ հրապարակի վրա լճա-
ցած ջրի մէջ նաւակներ կարելի է ման անել:
Հացագործները այնքան անպիտանացրել են հա-
ցը, որ անկարելի է ուտել, չը նայելով որ ցո-
րենք այժմ շատ էման է:»

ՎԱԿԱՐԵԱՊԱՏԻՑ գրում են մեզ, «Ճեմարանի»
վարժապետ պ. բժիշկ Տէր-Գրիգորեանցը միշտ
բնօրէնքով է մտնում դասատուն, յայտնի չէ
թէ ինչ նպատակով: Փանի մի անգամ բժշկին
նկատել են այդ տարօրինակ վարմունքի մասին
այն ևս պ. բնկտորի ներկայութեամբ, իսկ վեր-

ջինս, զուարթութեան տալով, անց է կացրել
անկարգութիւնը:

Վ. ԱԳՈՒԼԻՍԻՑ գրում են մեզ, «Արդէն եր-
բորդ անգամ է, որ քարէր հոգեւոր կառավա-
րութիւնը հրամանագրել է տեղային պ. զանձա-
պետին, որ տէր Մոսկու քանոնային Ազգային
հեռացնէ, բայց պ. զանձապետը ուշադրութիւն
չէ դարձնում և չէ գործադրում հրամանը: Ի
հարկէ, պարտք իր առանձին նպատակներն ու-
նի, բայց մինչև երբ պէտք է դէպի շարը գործ
դնել ժողովրդի համբերութիւնը:»

Մեզ գրում են Վ. ԱԳՈՒԼԻՍԻՑ, «Հոկտեմբե-
րի 22-ին կատարվեցաւ տեղային օրիորդաց դըպ-
րոցի 14 տարփայ տարեգործը. ժողովուրդը լիքն
էր զանձնում, այնպէս որ կանգնելու տեղ չը
կար: Որիորդներն նոյնպէս այնտեղ էին կանգ-
նեցրած, թէև նրանց համար առանձին տեղ էր
որոշված: Հանդէսը չբեղ էր, բայց անկարգ: Հո-
գարարձուները, ինչպէս միշտ սովորութիւն ու-
նեն, այս անգամ ևս հաշիւ չը ներկայացրին հա-
տարակութեանը: Երեսնի պ. նահանգապետը այդ
օրը չնորձ բերեց դպրոցը և զո՛ւ մնաց դպրոցից:»

Լրագիրներում կարդում ենք որ վաղա Գետը
ԱՍՏՐԱԽԱՆԻ մօտ, նոյեմբերի 10-ին ծածկվել է
սառուցով: Շողանաւորի երթեկութիւնը դա-
ղարեցրած է:

«МОСКОВС. ВѢД.» լրագիրը հրատարակեց մի
երկար առաջնորդող յօդուած, որի մէջ զարմաց-
մամբ կարդացինք հետեւեալ մաքերը: Լրագիրը
ասում է որ Ռուսաստանի պէս մի անգին պէ-
տութիւն չէ կարելի կառավարել կենտրոնից ա-
մեն տեղ ուղարկելով պաշտօնեաներին, բայց
ինչպէս պէտք է կառավարել,—այդ որոշ կերպով
չէ ստում Մոսկովայի թերթը: Մի և նոյն յօդուա-
ծում պ. Կատկովի լրագիրը ասում է որ պէտք
է ապահովացնել ռուս հատարակութեան՝ հասա-
րակային և անհատական աղատութիւնը: Այս
կէտն էլ թերթը չէ պարզում:

Թիֆլիսում հրատարակվող «Юридическое О-
бозрение» շաբաթագրի մէջ կարդում ենք որ
անձնասպան օրիորդ Սոֆիա Շատկովսկու հայ-
րը, որ ծառայութեանց հրաժարական տուած
մայր է, փաստաբան Եակովլովի ձեռքով գան-
գատ է ներկայացրել դատարանին այն երիտա-
սարդի դէմ, որ զայնակեցրեց իր աջկան և
պատճառ դարձաւ նրա անձնասպանութեան:

Մեր թղթակիցը Հաւաքար թաղից մեզ գրում
է հետեւեալը: «Շատ անգամ դարձել ենք քա-
ղաքային վարչութեան ուշադրութիւնը Հաւա-
քարի փողոցների անմիջիկապ դրութեան վրա:
Այդ փողոցները քարած չեն, չեն մաքրվում և
բացի այդ այնպէս փոսեր ունեն, որ կառքերը
անդադար չուա են գալիս ու ընկնում փոսերի
մէջ: Ամենափոքր անձրեկից անտանելի ցելս է
գոյանում, որ շատ է դժուարացնում մանուկնե-
րի դպրոց երթալը: «Մշակի» այդ լուրերը ունե-
ցան իրանց ներգործութիւնը. քաղաքային վար-
չութիւնը կարգադրել է այժմ հարկել Հաւաքա-
րի բոլոր քուլաները և խնձողի դարձնել նրանց:
Բանւորները արդէն աշխատում են: Երբեք,
57.000 րուբլ գումարը որ նշանակված է Թիֆ-
լիսի փողոցների մաքրութեան և վերանորոգու-
թեան համար, մի այնպիսի մեծ գումար է, որով
կարելի է Թիֆլիսի բոլոր փողոցները հետզհետէ
բարեկարգել, եթէ աչքի առաջ ունենանք և այն
հանգամանքը, որ քուլաների վրա գործ գրվող
խիճը, քարերը և աւաղը՝ բոլորն էլ ձրի է ստա-
նում քաղաքը: Պէտք է այն էլ ասել որ շատ
անգամ կապալաւորները ի շարն են գործ դնում
իրանց իրաւունքները, կանոնաւոր կերպով չը

կատարելով իրանց յանձն առած պարտաւորու-
թիւնները:»

ՄՈՍԿՎԱՅԻՑ մեզ գրում է Լազարեան ճեմա-
րանի ուսանողներից մէկը: «Ընթերցողներին յայ-
տնի է որ այստեղ կազմված է մի մասնաժողով
որ պէտք է պատրաստէ ճեմարանի համար հայոց
լեզուի և հայոց պատմութեան ծրագիր, բայց
դարմանալի է որ այս անգամ էլ դարձեալ մոռա-
ցութեան են տալիս Հայաստանի աշխարհա-
գրութիւնը, որ իսկապէս ամենազգլխաւոր
առարկաններից մէկը պէտք է լինէր ճեմարանում:»

Թիւրքաց Հայաստանից եկողները մեզ պատ-
մում են որ Դիարբէքիւրի վիլայէթի հայերը շատ
թշուառ վիճակի մէջ են չնորոգ տեղական վա-
լիի բռնութեան և մուսուլմանութեան Նա ամեն
կերպ ճնշում և հարստանաւորում է հայ տարրը:

ՆՈՒԹՈՒՑ մեզ գրում են: «Այստեղի գլխաւոր
միջերկրները բաւական էման են. հացի ֆունտը
առաջին տեսակի արժէ 3 կոպէկ, երկրորդ տե-
սակի 2 կոպէկ, բրինձը ֆունտը 6 կոպէկ, պա-
նիրը 7 կոպէկ:»

ՆՈՒԹՈՒՑ մեզ գրում են: «Վերջապէս կաշու
գործարանը, որ գտնվում էր քաղաքի կենտրո-
նում և իր գործելի հետով ապականում էր ամ-
բողջ քաղաքի օդը, հեռացրած է քաղաքից,
վարչութեան կարգադրութեամբ: Բայց լուսւ
ենք որ գործարանի տէրերը բողբոջով դիմել են
քարէր իշխանութեանը այդ կարգադրութեան
պատճառով: Յոյս ունենք որ իշխանութիւնը, ի
նկատի առնելով քաղաքի առողջապահական
կողմը կը մերժէ այդ բողբոջը:»

Վարդաշէն գիւղից մեզ հաղորդում են որ այդ
տեղի լուսաւորչական և յունդաւան ուստա-
ցիների մէջ դարձեալ ծագել է երկպառակու-
թիւն: Բայց այս անգամ յոյս կայ որ երկպա-
ռակութիւնը շուտ կը վերջանայ և վստահեա-
ւանքներ չի ունենայ, որովհետեւ կուսակցու-
թիւններից ոչ միւնը չունի պարագլուխներ:

Պ. Լալայեան խնդրում է մեզ յայտնել որ
վաղուց արդէն մամուլի տակ է և շատ շուտով
լոյս կը տեսնի Ժօրթ-Սանդի «Վարդապետ» ամսյ
մանկական վէպը:

Վ. ԱԳՈՒԼԻՍԻՑ մեզ գրում են: Արդէն ինն
ամիս անցնում է, բայց տակաւին ոչ մի անգամ
երեսփոխանական ժողով չէ կայացրել մեր դըպ-
րոցների դրութիւնը քննելու համար: Ասում են,
որ դրա պատճառը հողաբարձութիւնն է, որ չէ
կամենում ենթարկվել ոչ ոքի կոնտրոլի, այլ
ցանկանում է ինքնակամ գործել:

Մեզ գրում են ՎԱԿԱՐԵԱՊԱՏԻՑ, որ գիւղա-
կան երկսեռ դպրոցները բաւական յառաջադի-
մութիւն են գործում: Հողաբարձուները և վար-
ժապետները բարեխղճութեամբ են կատարում ի-
րանց պարտաւորութիւնները: Ճեմարանի լա-
րանի աշակերտները այդ դպրոցներում տալիս
են փորձնական դասեր:

Վ. ԱԳՈՒԼԻՍԻՑ պ. Ալեքսանդր Տէր Մելիք-
եանը խնդրում է մեզ յայտնել, որ նա արդէն
թարգմանում է Իւլիա Գյուրի «Записки мале-
чника» կոչված աշխատութիւնը: և ինքը գիտա-
ւորութիւն ունի տպագրել տալու, այնպէս որ
ուրիշները ձեռնամուխ չը լինեն մի և նոյն գըր-
քի թարգմանութեանը: